


Fylkesmannen i Møre og Romsdal
Fylkeshuset
6404 MOLDEVår ref.:
14/17537Saksbeh.:
ÅREArk.:
002

Dykkar ref.:

Dato:
25.11.2014**MELDING OM VEDTAK - SULA KOMMUNE - PROSESS FOR LOKALT ARBEID MED KOMMUNEREFORMA**

Sula kommunestyre har i møte 20.11.14 behandla sak om prosess for det lokale arbeidet med kommunereforma. Saksframstillinga med påført vedtak følger som vedlegg til dette brevet.

Kontaktperson(ar) mot Fylkesmannen i arbeidet med kommunereforma skal vere:

1. Rådmann Leon Aurdal
Tlf: 70199112/ mob: 918 34 227
e-post: leon.aurdal@sula.kommune.no

2. Formannskapssekretær Åge Erstad Remvik
Tlf: 70197832/ mob: 905 71 488
e-post: age.erstad.remvik@sula.kommune.no

Med helsing

Geir Ove Vøgsund
ordfører

Vedlegg:

Dok. dato	Tittel	Dok.ID
28.10.2014	Kommunereforma - fase 1 - prosessvedtak	225490

Adresse:
Postboks 280
6039
LANGEVÅG

Telefon:
Sentralbord: 70 19 91 00
Saksbeh: 70 19 78 32
Telefaks: 70 19 91 01

E-post:
postmottak@sula.kommune.no
Web:
www.sula.kommune.no

Bankgiro:
8647 10 92152
Skattekonto:
6345 06 15317

Foretaksnr.:
964 980 543

SAKSFRAMLEGG

Saksbehandlar: Åge Erstad Remvik
Arkivsaksnr.: 14/1178 - 6

Arkiv: 002

KOMMUNEREFORMA - FASE 1 - PROSESSVEDTAK

Utval:	Møtedato:	Saksnr.:
Formannskapet	11.11.2014	125/14
Kommunestyret	20.11.2014	087/14

Rådmannen si innstilling:

Kommunestyret tek orienteringa om prosess og framdriftsplan for regjeringa si kommunereform til vitande, og sluttar seg til rådmannen sitt forslag til organisering og lokal framdriftsplan for Sula kommune.

Kommunestyret vel slik styringsgruppe for reformarbeidet i Sula kommune:

Styringsgruppa skal rapportere til kommunestyret på følgjande tidspunkt:

Kommunestyret legg i tillegg følgjande til grunn for Sula kommune sitt arbeid med reforma:

Behandling i Formannskapet 11.11.2014

Geir Ove Vegsund (H) sette fram slikt forslag til tilråding:

*«Kommunestyret vel slik styringsgruppe for reformarbeidet i Sula kommune:
Formannskapet.»*

Rådmannen si innstilling, med forslaget frå Geir Ove Vegsund vart så samrøystes tilrådd.

F-125/14 Vedtak:

Kommunestyret tek orienteringa om prosess og framdriftsplan for regjeringa si kommunereform til vitande, og sluttar seg til rådmannen sitt forslag til organisering og lokal framdriftsplan for Sula kommune.

Kommunestyret vel slik styringsgruppe for reformarbeidet i Sula kommune: Formannskapet.

Styringsgruppa skal rapportere til kommunestyret på følgjande tidspunkt:

Kommunestyret legg i tillegg følgjande til grunn for Sula kommune sitt arbeid med reforma:

.....

Behandling i Kommunestyret 20.11.2014

Ronny H. Blomvik (Frp) sette fram slikt forslag til vedtak om rapportering frå styringsgruppa til kommunestyret:

«Formannskapet skal som eit minimum rapportere kvartalsvis til kommunestyret. For å sikre god forankring i kommunestyret skal formannskapet si rapportering til kommunestyret vere dynamisk og tilpassa behova for informasjon.»

Johan L. Sunde (A) bad om protokollføring av følgjande: *«spørsmålet om rådgjevande folkerøysting skal vere vurdert av kommunestyret før endeleg vedtak i saka».*

Liv Kjersti Finholt (V) sette fram forslag om at formannskapet skal rapportere om arbeidet med reforma i annakvart kommunestyremøte.

Vibeke Bjørkavåg (H) sette fram slikt forslag til vedtak:

*«Kommunestyret vel slik styringsgruppe for reformarbeidet i Sula kommune:
Formannskapet.*

Styringsgruppa skal rapportere til kommunestyret på følgjande tidspunkt: ved hvert kommunestyret frem til sammenslåingsvedtak

Kommunestyret legg i tillegg følgjande til grunn for Sula kommune sitt arbeid med reforma:

1) Gode og likeverdige tenester til innbyggjarane: Større kommunar med betre kapasitet og kompetanse vil leggje til rette for gode og tenester over heile landet.

Større fagmiljø vil gi meir stabile arbeidsmiljø, bredde i kompetansen og ein breiare tiltaksportefølje, særleg i små og spesialiserte tenester.

2) Heilskapleg og samordna samfunnsutvikling: Kommunesektoren skal bli betre i stand til å løyse nasjonale utfordringar. Reforma skal betre føresetnadane for ei styrka og samordna lokal og regional utvikling i alle delar av landet både når det gjeld arealbruk, samfunnstryggleik- og beredskap, transport, næring, miljø og klima, og også den sosiale utviklinga i kommunen. Det er ønskjeleg at kommunegrensene i større grad blir tilpassa naturlege bu- og arbeidsmarknadsregionar.

3) Berekraftige og økonomisk robuste kommunar: Større kommunar vil ha større ressursgrunnlag og kan også ha ei meir variert befolknings- og næringssamansetjing. Det gjer kommunane meir robuste overfor uventa hendingar og utviklingstrekk. Berekraftige og økonomisk robuste kommunar vil leggje til rette for ein meir effektiv ressursbruk innanfor avgrensa økonomiske rammer.

4) Styrkt lokaldemokrati og fleire oppgåver til kommunane: Større og meir robuste kommunar kan få fleire oppgåver. Dette vil gi meir makt og avgjerdsrett til kommunane, og dermed auka lokalt sjølvstyre. Større kommunar vil og redusere behovet for interkommunale løysingar. Faerre og større kommunar som gjennomfører ein velferdspolitik i samsvar med nasjonale mål, vil redusere behovet for statleg detaljstyring. Kommunane vil slik få større fridom til å prioritere og tilpasse velferdstilbodet til innbyggjarane sine behov.»

Jan Magnar Sandvik (SUL) sette fram slikt forslag til vedtak:

«1. Sula kommunestyre legg som ein føresetnad at Sula fortsatt skal vere eigen kommune etter at arbeidet med reforma er ferdig lokalt.

2. Sula kommunestyre legg til grunn at det skal vere ei rådgivande folkerøysting om kommunesammenslåing.»

Det vart halde gruppemøte.

Etter gruppemøtet vart følgjande forslag trekt/endra:

Ronny H. Blomvik trekte første setning i sitt forslag.

Johan L. Sunde trekte sitt forslag.

Liv Kjersti Finholt trekte sitt forslag.

Vibeke Bjørkavåg sette fram forslag om følgjande nytt punkt 5, jf. første forslag:

«Sula kommunestyre er open for folkerøysting i prosessen».

Jan Magnar Sandvik trekte sitt første forslag, og sette fram slikt nytt forslag:

- *«Proessen kring arbeidet med kommunestrukturen, anten det vert ei storkommune eller Sula framleis som eiga kommune, skal vektast like høgt.*

- *Sula kommunestyre legg til grunn at det skal vere ei rådgivande folkerøysting om kommunesammenslåing.»*

Det var votert som følgjer:

Første avsnitt i tilrådinga frå formannskapet: samrøystes vedtatt.

Andre avsnitt i tilrådinga frå formannskapet: samrøystes vedtatt.

Forslaget frå Vibeke Bjørkavåg, med andre setning i forslaget frå Ronny H. Blomvik som tillegg, samrøystes vedtatt.

Forslaget frå Vibeke Bjørkavåg, jf. punkt 1.-4. samrøystes vedtatt.

Første strekpunkt i forslaget frå Jan Magnar Sandvik vart samrøystes vedtatt.

Andre strekpunkt i forslaget frå Jan Magnar Sandvik vart sett opp mot punkt 5 i forslaget frå Vibeke Bjørkavåg. Jan Magnar Sandvik sitt forslag vart vedtatt med 22 mot 6 stemmer.

K-087/14 Vedtak:

Kommunestyret tek orienteringa om prosess og framdriftsplan for regjeringa si kommunereform til vitande, og sluttar seg til rådmannen sitt forslag til organisering og lokal framdriftsplan for Sula kommune.

Kommunestyret vel slik styringsgruppe for reformarbeidet i Sula kommune: Formannskapet.

Styringsgruppa skal rapportere til kommunestyret på følgjande tidspunkt: ved kvart kommunestyremøte fram til samanslåingsvedtak. For å sikre god forankring i kommunestyret skal formannskapet si rapportering til kommunestyret vere dynamisk og tilpassa behova for informasjon.

Kommunestyret legg i tillegg følgjande til grunn for Sula kommune sitt arbeid med reforma:

1) Gode og likeverdige tenester til innbyggjarane: Større kommunar med betre kapasitet og kompetanse vil leggje til rette for gode og tenester over heile landet. Større fagmiljø vil gi meir stabile arbeidsmiljø, bredde i kompetansen og ein breiare tiltaksportefølje, særleg i små og spesialiserte tenester.

2) Heilskapleg og samordna samfunnsutvikling: Kommunesektoren skal bli betre i stand til å løyse nasjonale utfordringar. Reforma skal betre føresetnadane for ei styrka og samordna lokal og regional utvikling i alle delar av landet både når det gjeld arealbruk, samfunnsstryggleik- og beredskap, transport, næring, miljø og klima, og også den sosiale utviklinga i kommunen. Det er ønskjeleg at kommunegrensene i større grad blir tilpassa naturlege bu- og arbeidsmarknadsregionar.

3) Berekraftige og økonomisk robuste kommunar: Større kommunar vil ha større ressursgrunnlag og kan også ha ei meir variert befolknings- og næringsansetjing. Det gjer kommunane meir robuste overfor uventa hendingar og utviklingstrekk. Berekraftige og økonomisk robuste kommunar vil leggje til rette for ein meir effektiv ressursbruk innanfor avgrensa økonomiske rammer.

4) Styrkt lokaldemokrati og fleire oppgåver til kommunane: Større og meir robuste kommunar kan få fleire oppgåver. Dette vil gi meir makt og avgjerdsrett til kommunane, og dermed auka lokalt sjølvstyre. Større kommunar vil og redusere behovet for interkommunale løysingar. Færre og større kommunar som gjennomfører ein velferdspolitikkk i samsvar med nasjonale mål, vil redusere behovet for statleg detaljstyring. Kommunane vil slik få større fridom til å prioritere og tilpasse velferdstilbodet til innbyggjarane sin behov.

5) Prosessen kring arbeidet med kommunestrukturen, anten det vert ei storkommune eller Sula framleis som eiga kommune, skal vektast like høgt.

6) Sula kommunestyre legg til grunn at det skal vere ei rådgivande folkerøysting om kommunesamanslåing.

.....

Vedlegg:

Dok. dato	Tittel	Dok.ID
17.10.2014	Forventningsbrev - Kommunereform i Møre og Romsdal	224731
27.08.2014	Invitasjon til å delta i reformprosessen	220962

Bakgrunn for saka:

Regjeringa presenterte sin heilskaplege plan for ei kommunereform i kommune-proposisjonen for 2015. Under Stortinget si behandling av proposisjonen vart det i hovudtrekk gitt brei tilslutning til at det er behov for endringar i kommunestrukturen. Også måla for reforma var det brei semje om. Regjeringa har derfor sett i verk ein reformprosess som omfattar alle landets kommunar, og legg i dette arbeidet stor vekt på Stortinget sitt fleirtal for at det no ligg eit utgreiingsansvar på kvar einskild kommune. Det betyr at alle kommunar, også dei som ikkje ønskjer samanslåing, må ta del i prosessen og gjere vedtak etter oppsett tidsplan.

Det offisielle startskotet for det lokale arbeidet med reforma kom i brev 27.august frå kommunal- og moderniseringsministeren, med invitasjon til å delta i reformprosessen. Av invitasjonen går det fram at landets fylkesmenn er tildelt eit ansvar for å sette i gang, og å lage rammer rundt dei lokale prosessane. Sula kommune mottok 17.oktober eit forventningsbrev frå Fylkesmannen i Møre og Romsdal, som har sett ned ein lokal framdriftsplan for fylket. I tråd med denne framdriftsplanen skal alle kommunane i fylket innan 31.12.14 ha gjort vedtak om korleis prosessen for arbeidet med kommunereforma skal sjå ut lokalt. I tillegg til å vere eit framdriftskrav er prosessvedtaket ein føresetnad for å få tildelt prosesstøtte på kr 200.000 til det vidare arbeidet.

Rådmannen legg med dette fram sitt forslag til korleis Sula kommune kan leggje opp sitt arbeid med kommunereforma. Rådmannen vurderer at arbeidet med reforma kjem til å medføre utgreiings- og saksbehandlingskostnader, og det er av betydning at kommunen oppfyller dei krava som er sett for å få utbetalt prosessstøtte frå Fylkesmannen. Dette saksframlegget har ikkje til hensikt å forskottere ein debatt om Sula kommune skal eller ikkje skal slå seg saman med andre kommunar, eller kven dette eventuelt skal vere. Saka blir lagt fram for å sikre ei god politisk forankring av den prosessen kommunen no skal inn i, og for å støtte dei framdrifts- og prosesskrav som er stilt frå Fylkesmannen.

Grunnlagsdokument og informasjonskjelder:

Kommunereforma har fått mykje merksemd og omtale i både lokal og nasjonal media, og informasjonsmengda er etter kvart stor. Det blir i denne saka ikkje gjort ei heilskapleg oppsummering og vurdering av dei premissa som så langt ligg føre, men i det følgjande ligg ei oversikt over dei mest sentrale dokumenta og informasjonskjeldene i saka, med lenker:

Regjerings- og stortingsdokument, m.m.:

- [Første delrapport frå regjeringa sitt ekspertutval – mars 2014](#)
- [Kommuneproposisjonen 2015 – meldingsdel om kommunereform - mai 2014](#)
- [Innstilling fra kommunal- og forvaltningskomiteen om kommuneproposisjonen 2015](#)
- [Kommunal- og moderniseringsdepartementet sin nettstad om kommunereform](#)
- [Fylkesmannen i Møre og Romsdal sin nettstad om kommunereform](#)
- [Rundskriv av 25.09.14 om inndelingslova](#)

Prosess- og analyseverktøy:

- [Nykommune.no](#) – ei nyutvikla nettside som samanstiller nøkkel- og utviklingstal for enkeltkommunar og kombinasjonar av kommunar.
- [Rettleiar for utgreiing og prosess](#)
- [Berekningsmodell for inndelingstilskott](#) (KS, Excel-rekneark som fungerer best på pc)
- [Innbyggjarundersøking om ny kommunestruktur på Sunnmøre](#) – rapport september 2014 – Sentio på oppdrag frå Sunnmøre Regionråd.

Roller og ansvarsfordeling

Ei rekke aktørar er allereie tildelt sentrale roller i det komande reformarbeidet. Dette gjeld både nasjonalt og regionalt/lokalt. Dei viktigaste og mest sentrale er som følgjer:

- **Fylkesmannen**
Alle landets Fylkesmenn er gjennom eige oppdragsbrev bedt om å vere tilretteleggar og koordinator for reforma i sitt fylke, og er bedne om å samarbeide med KS om dette. Fylkesmannen tildeler prosessstøtta som er løyvd til reforma, og alle embeta har tilsett ein eigen prosessrettleiar for reforma. [Oppdragsbrevet frå KMD til alle landets Fylkesmenn kan lesast her.](#)
- **KS Møre og Romsdal**
Formannskapet gav i sak 94/14 tilslutning til KS si deltaking som fagleg tilretteleggar og koordinator for lokale/regionale prosessar i kommunereformarbeidet. KS legg som premiss for eigen medverknad i reformarbeidet at endringar i kommunestrukturen må byggje på lokale prosessar, og at KS ikkje skal vere ein pådrivar for dette.

- Sunnmøre Regionråd
Samarbeidsorgan og dialogplattform for dei folkevalde på Sunnmøre. Arrangerte 25.september konferansen Arena Sunnmøre 2014, med formannskapa/rådmenn som målgruppe og kommunereform som eige tema.
- Kompetansesenter for distriktsutvikling
Kompetansesenter for distriktsutvikling skal hente inn, systematisere og formidle kunnskap om erfaringar frå kommunesamanslåingar. Dette gjeld både prosessar som har ført fram til kommunesamanslåing, og prosessar som ikkje har ført fram til samanslåing. Senteret er i tillegg sentral som utviklar av ulike verktøy skal styrke kommunane sitt avgjerdsgrunnlag.

Saksopplysningar

Stortinget har gitt si tilslutning til følgjande mål for kommunereforma:

1) Gode og likeverdige tenester til innbyggjarane

Større kommunar med betre kapasitet og kompetanse vil leggje til rette for gode og tenester over heile landet. Større fagmiljø vil gi meir stabile arbeidsmiljø, bredde i kompetansen og ein breiare tiltaksportefølje, særleg i små og spesialiserte tenester.

2) Heilskapleg og samordna samfunnsutvikling

Kommunesektoren skal bli betre i stand til å løyse nasjonale utfordringar. Reforma skal betre føresetnadane for ei styrka og samordna lokal og regional utvikling i alle delar av landet både når det gjeld arealbruk, samfunnstryggleik- og beredskap, transport, næring, miljø og klima, og også den sosiale utviklinga i kommunen. Det er ønskeleg at kommunegrensene i større grad blir tilpassa naturlege bu- og arbeidsmarknadsregionar.

3) Berekraftige og økonomisk robuste kommunar

Større kommunar vil ha større ressursgrunnlag og kan også ha ei meir variert befolknings- og næringssamansetjing. Det gjer kommunane meir robuste overfor uventa hendingar og utviklingstrekk. Berekraftige og økonomisk robuste kommunar vil leggje til rette for ein meir effektiv ressursbruk innanfor avgrensa økonomiske rammer.

4) Styrkt lokaldemokrati og fleire oppgåver til kommunane

Større og meir robuste kommunar kan få fleire oppgåver. Dette vil gi meir makt og avgjerdsrett til kommunane, og dermed auka lokalt sjølvstyre. Større kommunar vil og redusere behovet for interkommunale løysingar. Færre og større kommunar som gjennomfører ein velferdspolitik i samsvar med nasjonale mål, vil redusere behovet for statleg detaljstyring. Kommunane vil slik få større fridom til å prioritere og tilpasse velferdstilbodet til innbyggjarane sine behov.

Dei lokale og regionale prosessane skal ta utgangspunkt i måla for reforma. Saman med ekspertutvalet sine kriterier og anbefalingar for ein god kommunestruktur, ligg det føre eit grunnlag for diskusjon, vurdering og vedtak lokalt. Samstundes er fleire sentrale føresetnadar for ei grundig og opplyst drøfting fortsatt under arbeid. Ekspertutvalet sin sluttrapport skal

overleverast til regjeringa 01.12.2014, og vil danne grunnlaget for ei stortingsmelding om nye oppgåver til robuste kommunar. Meldinga skal etter planen leggjast fram våren 2015, men KMD og Fylkesmannen legg til grunn at eksisterande oppgåvemengd allereie tilseier at kommunane bør vurdere eigne føresetnader for å halde fram som i dag.

Det blir og arbeid med eit nytt inntektssystem for kommunesektoren, og dette skal presenterast i kommuneproposisjonen for 2017 (blir lagt fram våren 2016). Kommunane er derfor bedne om å ikkje leggje avgjerande vekt på inntektssystemet slik det er i dag, når dei no skal vurdere kommunesamanslåing.

Kommunal- og moderniseringsdepartementet har fastsett to alternative framdriftsplanar for arbeidet lokalt:


1) Kongelig resolusjon

Kongen i statsråd har mynde til å vedta samanslåingar der kommunane er einige. For kommunar som gjer kommunestyrevedtak i løpet av hausten 2015, vil departementet leggje til rette for at samanslåing skal kunne vedtakast på nasjonalt nivå i løpet av våren 2016. Med dette løpet vil samanslåingane kunne tre i kraft frå 1. januar 2018.

2) Samleproposisjon om ny kommunestruktur

Regjeringa har varsla ein proposisjon om ny kommunestruktur våren 2017. Dette føreset at alle kommunar, med unnatak av dei som inngår i alt.1 har gjort vedtak om samanslåing innan sommaren 2016. I utarbeidinga av avgjerdsgrunnlaget for Stortinget vil det bli lagt til grunn at einskildkommunar ikkje skal kunne stanse endringar som er ønska og hensiktsmessige ut frå regionale og nasjonale omsyn. I proposisjonen vil derfor regjeringa kunne foreslå samanslåing av kommunar som ikkje er i samsvar med dei lokale vedtaka.

Tidslina for reformprosessen:



Fylkesmennene har fått i oppdrag å sjå til at det lokale arbeidet er avslutta innan våren 2016. For dei fleste kommunane i fylket er regjeringa sin framdriftsplan nr. 2 den mest aktuelle, og Fylkesmannen i Møre og Romsdal har lagt opp til følgjande framdriftsplan lokalt:

2014 – Fase 1 – Oppstartsfase (denne saka):

Alle kommunar i fylke skal behandle (kommunestyret) sak om korleis ein ønskjer å arbeide med reforma for å kome i mål innan våren 2016. Frist for å sende vedtak til Fylkesmannen er 31.12.14, og dette utløyser kr. 200.000 i prosessstøtte.

2015 – Fase 2 – Utgreiingsfase

I løpet av våren og innan valet 2015 skal det arbeidast med lokale prosessar, faktainnsamling og -formidling, utgreiing mv. for å tryggje eit godt avgjerdsgrunnlag. Undervegsrapportering til Fylkesmannen innan 01.07.15. Etter valet skal det fokuserast på folkevaldopplæring med særskilt vekt på kommunereform og framtidsutfordringar.

2016 – Fase 3 – Avgjerdsfase

Innan første tertial 2016 skal alle kommunestyra ha behandla sak om samanslåing av kommunar, og frist for innsending av vedtak til Fylkesmannen er sett til 01.07.16. Hausten 2016 skal Fylkesmannen summere opp alle 36 vedtaka, og vurdere om desse er i samsvar med måla for reforma slik dei er vedtatt av Stortinget.

Fylkesmannen i Møre og Romsdal forventar at kommunane utnemner ein eigen kontaktperson for reforma, eit godt samarbeid gjennom regionråda, at det vert jobba med lokalt eigarskap, at kommunane går breitt ut og ikkje avgrensar seg i arbeidet, samt at nasjonale og lokale fristar blir halde. Samstundes stiller Fylkesmannen med juridisk kompetanse, råd og rettleiing, som bindeledd mot KMD og med skjønnskott til arbeidet i kommunane.

Basert på framdriftsplan og forventningane som er stilt frå Fylkesmannen legg rådmannen fram følgjande forslag til rammer for det vidare arbeidet:

1) Organisering:

Rådmannen rår til at kommunestyret utnemner ei styringsgruppe for arbeidet med reforma lokalt. Styringsgruppa bør rapportere til kommunestyret på eigna vis, og med eit intervall som sikrar god politisk behandling og framdrift i høve tidsplan. Rådmannen/formannskapssekretæren bør vere kontaktpersonar mot Fylkesmannen i prosessen.

2) Framdriftsplan:

Rådmannen legg til grunn at Sula kommune vil følgje “løp 2” for prosessen lokalt, med vedtak og rapportering til Fylkesmannen innan sommaren 2016.

3) Informasjon, involvering og dialog:

Det er av særskilt betydning at det i reformarbeidet vert lagt vekt på å involvere innbyggjarane, organisasjonar, næringsliv og tilsette på ein god måte. I tillegg til å etablere gode fora for involvering er det også eit behov for å finne dei best eigna kanalane for å nå ut med informasjon om reforma, og om kva som no er venta av kommunen i prosessen.

Rådmannen foreslår følgjande konkrete tiltak:

- Folkemøte/ opne temamøter
- Næringslivsfrukost med tema kommunereform
- Ungdomskonferanse i samarbeid med ungdomsrådet
- Seniorkonferanse i samarbeid med pensjonistlaget/ Eldrerådet
- Dialogarena retta mot frivillige lag og organisasjonar

- Eige temafane på kommunen si heimeside for informasjon ut til innbyggjarane mv.
- Vurdere bruk av sosiale medier/andre plattformer for digital dialog

Rådmannen rår til at det innan kort tid vert drøfta nærare kva for konkrete kanalar og metodar som bør nyttast ut over dei formelt etablerte råd og utval som eksisterer (ungdomsråd, eldreråd, administrasjonsutval mv.), og kva som vil vere rett tidspunkt for å opprette slike.

4) Utgreiingar mv.

I samband med endringar i framtidig oppgåveportefølje og konsekvensane av eit nytt inntektssystem vil det vere nødvendig å gjennomføre utgreiingar/ROS- analyser, i høve til den kommunale tenesteproduksjonen og framtidig økonomisituasjon. Det må gjerast ei nærare vurdering av kva for utgreiingar det er behov for, og kva form desse skal ha.

5) Regionale samtalar:

Det vil i tida som kjem bli arrangert ulike regionale konferansar/møte og seminar knytt til reformarbeidet, og rådmannen rår til at Sula kommune deltar i desse på egna måte. Det vil også vere behov for gå i dialog med nabokommunane om framdrift og prosess for arbeidet, samt handtere eventuelle invitasjonar til formelt samarbeid vidare.

6) Høyring av innbyggjarane:

Inndelingslova slår fast at innbyggjarane bør høyrast i saker om endring av kommunegrenser, men ikkje korleis. Ulike måtar å høyre innbyggjarane på har ulike fordelar og ulemper, og val av høyringsmetode bør vere godt grunngjeve. Kommunal- og moderniseringsdepartementet utarbeidar no eit standardoppsett for spørjeundersøking som kommunane kan nytte seg av. Rådmannen meiner det bør gjennomførast innbyggjarundersøking, men at utforming og tidspunkt bør drøftast nærare. Det er anbefalt at ei høyring, anten dette skjer i form av folkerøysting, spørjeundersøking eller anna form, vert gjennomført når valalternativa er klare.

Vurdering:

Det er lagt opp ein stram tidsplan for arbeidet med kommunereforma, og det er stilt klare krav til lokal handtering og rapportering i høve til framdriftsplanen. For eit best mogleg kunnskapsgrunnlag for eit framtidig vedtak må reformarbeidet ta til no. Rådmannen ser det som viktig at ein arbeider på ein god og systematisk måte med å framskaffe og formidle informasjon, og ikkje minst med etablering av gode fora for dialog med innbyggjarane i kommunen. Fokus i denne saka er derfor retta mot sjølve prosessen, og korleis kommunestyret ønskjer å jobbe med kommunereforma.

Leon Aurdal
Rådmann

Gunnar Trones
Leiar støttstab